



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### აბდ ალ-რაზაყ დუმბული

აბდ ალ-რაზაყ დუმბული (1763–1828), ირანის სამეფო კარის ისტორიკოსი, წარმოშობით ქურთი (დუმბულის ტომისა). მსახურობდა აბას-მირზას კარზე. ავტორია თხზულებისა „სულთანთა სამახსოვრო საქმეები“ („მაასირი სალთანიე“), რ-შიც აღწერა ყაჯართა დინასტიის პირველი ორი წარმომადგენლის – ალა-მაჰმად-ხანისა და ფათალი-შაჰის ცხოვრება. ეს ნაწარმოები XVIII ს. დამლევისა და XIX ს. დამდეგის ირანისა და სამხრ. კავკ., კერძოდ, საქართვე. ისტ. ძვირფასი წყაროა. შეიცავს ცნობებს ალა-მაჰმად-ხანის 1795 ლაშქრობის შესახებ საქართველოში.

ა-ის ეკუთვნის აგრეთვე „დუმბულის ტომის ისტორია“ („თარიხე დანაბილე“).

**დ. კაციტაძე**

---